

**REGIONAL NEWS UNIT  
ALL INDIA RADIO, AGARTALA  
Date: 27-06-2017  
Time: 07:35-07:40 AM Hrs  
BENGALI MORNING BULLETIN**

\*\*\*\*\*

**Pura Nigam :**

আগরতলার লেনিন সরণির নব নির্মিত শিশু উদ্যান বিপনী বিতানের আজ উদ্বোধন করা হবে। বিকাল ৪ টায় এক অনুষ্ঠানের মধ্যদিয়ে মুখ্যমন্ত্রী মানিক সরকার এই বিপনী বিতানের উদ্বোধন করবেন। অনুষ্ঠানে নগরোন্নয়ন মন্ত্রী মানিক দে, আগরতলা পুর মেয়র ড: প্রফুল্লজিৎ সিনহা, বিধায়ক আশিস কুমার সাহা সহ অন্যান্য বিশিষ্টদের উপস্থিত থাকার কথা রয়েছে।

\*\*\*\*\*

**সি পি আই এম :**

রাজ্যে শান্তি ও সম্প্রীতি বজায় রাখার আহ্বান জানিয়েছেন সি.পি.আই.এম রাজ্য সম্পাদক বিজন ধর। গতকাল আগরতলায় দলীয় রাজ্য দপ্তরে এক সাংবাদিক সম্মেলনে তিনি রাজ্যে শান্তিভঙ্গের জন্য বিজেপিকে দায়ী করেন। বিজেপি নেতা কর্মীরা রাজ্যের বিভিন্ন এলাকায় প্ররোচনা সৃষ্টির চেষ্টা করছে বলে তিনি অভিযোগ করেন।

রাজ্যে উপদ্রুত আইন জারীর দাবির বিরোধীতা করেছেন শ্রীধর। এই ধরনের দাবী অগনতাল্পিক বলে তিনি মন্তব্য করেন। মুখ্যমন্ত্রী মানিক সরকার সহ সি পি আই এমের বিরুদ্ধে কুৎসা ছড়ানো হচ্ছে বলে তিনি অভিযোগ করেন। সি.বি.আই তদন্তের ইসুতে সমাজ কল্যাণ মন্ত্রী বিজিতা নাথের পদত্যাগের দাবী তিনি খারিজ করে দিয়েছেন। সি বি আইয়ের সাথে সহযোগিতা করা হবে বলে তিনি জানিয়েছেন। আমানতকারীদের অর্থ ফেরত দেওয়ার জন্য তিনি দাবী জানান। সাংবাদিক সম্মেলনে সি পি আই এম কেন্দ্রীয় কমিটির সদস্য গৌতম দাস উপস্থিত ছিলেন।

\*\*\*\*\*

### কংগ্রেস :

রোজভ্যালী চিটফান্ড মামলায় সি বি আই জিজ্ঞাসাবাদের জন্য নোটিশ দেওয়ায় সমাজ কল্যাণ মন্ত্রী বিজিতা নাথের পদত্যাগ দাবী করেছে কংগ্রেস। গতকাল এক সাংবাদিক সম্মেলনে বিধায়ক গোপাল চন্দ্র রায় এই দাবী জানিয়েছেন। রাজ্যের আরো কয়েকজন সি পি আই এম নেতা চিটফান্ডের সাথে জড়িত বলে তিনি অভিযোগ করেন। তাদের বিরুদ্ধেও ব্যবস্থা নেওয়ার জন্য তিনি দাবী জানিয়েছেন।

\*\*\*\*\*

## প্রধানমন্ত্রী :

প্রধানমন্ত্রী নরেন্দ্র মোদী হোয়াইট হাউসে মার্কিন প্রেসিডেন্ট ডোনাল্ড ট্রাম্পের সঙ্গে সাক্ষাত করেন । ট্রাম্প এবং তাঁর পত্নী ম্যালানিয়া সাউথ পতিকতে এসে শ্রী মোদিকে স্বাগত জানান । প্রধানমন্ত্রী এই অভ্যর্থনায় কৃতজ্ঞতা প্রকাশ করে বলেন, ১২৫ কোটি ভারতবাসীর হয়ে তিনি এই অভ্যর্থনা গ্রহণ করলেন । দুই নেতার মধ্যে প্রায় ২০ মিনিট ধরে আলোচনা হয় । দু'জনের মধ্যে দ্বি-পাক্ষিক সম্পর্ক নিয়ে পর্যালোচনা হয় এবং দু'দেশের অংশীদারিত্বকে নতুন মাত্রা দেবার বিষয়ে, তাদের প্রতিশ্রুতিকে নিশ্চিত করা হয় । আলোচনা শেষে যৌথ বিবৃতিতে জানানো হয়, উভয় দেশই সন্ত্রাসবাদের বিরুদ্ধে লড়াই এবং মৌলবাদের বিরুদ্ধে কাজ করতে সহযোগিতায় সম্মত হয় । শ্রী মোদী ক্ল্যাগশীপ কার্যক্রমের ক্ষেত্রে মার্কিন যুক্তরাষ্ট্রকে মূল্যবান অংশীদার উল্লেখ করে বলেন, ব্যবসা-বানিজ্য ও বিনিয়োগ, এই পারস্পারিক সহযোগিতার প্রধান ক্ষেত্র । এছাড়াও, প্রযুক্তি ও উদ্যোগিক ক্ষেত্রেও গুরুত্ব দেয়া হবে ।

\*\*\*\*\*

## মানবসম্পদ উন্নয়ন মন্ত্রক :

নতুন জাতীয় শিক্ষানীতি পর্যালোচনার জন্য কেন্দ্রীয় মানবসম্পদ উন্নয়ন মন্ত্রক নয় সদস্যক কমিটি গঠন করেছেন। মহাকাশ বিজ্ঞানী কে. কস্তুরীরঙ্গম এই কমিটির প্রধান হয়েছেন। এছাড়া কমিটিতে রয়েছেন প্রাক্তন আই.এ.এস. কে জে আলফোনসে কানামথানাম, উপাচার্য রামশঙ্কর কুরেল প্রমুখ।

\*\*\*\*\*

### **Accident :**

আগরতলার পশ্চিম নওয়াবাদী এলাকায় গতকাল পুলিশের নিষেধ না মেনে একটি অল্টো গাড়ি পালিয়ে যাওয়ার চেষ্টা করে এবং রাস্তার পাশে একটি গাছে গিয়ে ধাক্কা খায়। পরে পুলিশ গাড়িটি আটক করে তার ভেতর থেকে ১৯৯ বোতল ফেন্সিডিল ওষুধ উদ্ধার করে। বে-আইনি ভাবে পাচারের উদ্দেশ্যে এই ওষুধগুলো নিয়ে যাওয়া হচ্ছিল বলে পুলিশের সন্দেহ। গাড়ির আরোহীরা পালিয়ে গেছে বলে পুলিশ জানিয়েছে।

\*\*\*\*\*

### **খার্টি উৎসব-যানবহন চলাচল :**

খার্টি উৎসব উপলক্ষে, আগামী ১ জুলাই থেকে ৭ জুলাই, ২০১৭ - পর্যন্ত চতুর্দশ দেবতার মন্দিরের আশপাশ এলাকায় যানবাহন চলাচলের উপর কিছু বিধি-নিষেধ আরোপ করা হয়েছে । মোটর ভ্যাহিকেল আইনের প্রদত্ত ক্ষমতা বলে পশ্চিম ত্রিপুরার জেলা শাসক ডা: মিলিন্দ রাস্তেকে এই আদেশ জারি করেছেন । আদেশে বলা হয়েছে, এই উৎসব চলাকালীন প্রতিদিন রাত ২টা থেকে সকাল ৬টা পর্যন্ত বাইপাসের বেইলি ব্রিজ থেকে কালিতলা পর্যন্ত পুলিশ ও স্বেচ্ছা-সেবকদের সহায়তায় সব ধরনের যানবাহন চলাচল করতে পারবে । পল্লীমঙ্গল বিদ্যালয়, খয়েরপুর দশমিঘাট, দলুরা ও কালীতলায় পার্কিং-এর জন্য নির্দিষ্ট স্থান ব্যতীত, জাতীয় সড়কের পুরাতন আগরতলা মোটরস্ট্যান্ডের পাশের রাস্তা থেকে মাধববাড়ি ট্রাক টার্মিনাসে পার্কিং করতে পারবে । আমতলী বাইপাস রোড থেকে কালীতলা ড্রপ

গেইট পর্যন্ত সব ধরনের যানবহন চলাচল করতে পারবে । সেখান থেকে পূন্যার্থীদের পায়ে হেঁটে মন্দির চত্বরে যেতে হবে । যানবাহন চলাচলের পরিস্থিতি নিরূপন করে, রাত ১১ টা থেকে পরের দিন সকাল ৯ টা পর্যন্ত জাতীয় সড়ক দিয়ে মালবাহী গাড়ি আগরতলা শহরে চুকতে পারবে । পূজা কমিটির লিখিত অনুমতিক্রমে, বিশেষত চন্দ্রপুর থেকে বলদাখালের রাস্তায় হালকা যানবাহন চলাচল করতে পারবে । এছাড়া, উৎসবের দিনগুলিতে রাত ২ টা থেকে সকাল ৬ টা পর্যন্ত বনিক্য চৌমুহনী থেকে খয়েরপুর পর্যন্ত সব ধরনের মালবাহী গাড়ি চলাচল করতে পারবে ।

\*\*\*\*\*

### **Weather report :**

আজ দুপুর পর্যন্ত আবহাওয়ার পূর্বাভাসে জানানো হয়েছে, আকাশ আংশিক থেকে প্রধানত মেঘলা থাকবে । বজ্র-বিদ্যুৎ সহ বৃষ্টি হতে পারে । আজ সকাল পর্যন্ত বৃষ্টি হয়েছে সামান্য পরিমাণে ০.১ মিলিমিটার । সকালের সর্বনিম্ন তাপমাত্রা ছিল ২৬.৭ ডিগ্রী সেলসিয়াস । দিনের সর্বোচ্চ তাপমাত্রা থাকবে ৩৩ ডিগ্রির আশেপাশে । বাতাসে আপেক্ষিক আদ্রতার পরিমাণ ছিল সর্বোচ্চ ৮৯% এবং সর্বনিম্ন ৬০% ।

\*\*\*\*\*

\*\*\*\*\*

